

De Nörders un hör Autokenntekens

De Nörders un de Schotten hebben villicht mehr gemeen, as een denken kann – un ik meen nich de Naarheid, denn daar unnerscheden se sük ja nich van de anner Oostfresen. Nee, ik meen wat anners: In dat Jahr 1977 kweem de Land-

Man een Troost gaff 't: Landraad van de neje, groter Landkreis Auerk wurr de vörmalige Landraad van d' Landkreis Nörden, Hinrich Swieter. De Fraag weer also, well hier well övernahmen harr!

Nich vööl anners leep dat um söventehnhunnert in Schottland of. Schottland un England wurren do tosamgelegt un Grootbritannien stunn up. De beid Lannen wurren al siet ruugweg hunnert Jahr van desülvige Könens regeert. Se kwemen all ut dat Huus Stuart. Un de Stuarts weren Schotten. Well harr hier well övernahmen – de Englanners de Schotten? Of weer 't nett annersum?

Man noch, de Nörders speet dat leep, dat se kien egen Landkreis mehr harren. So as de Schotten siet



Wilko Lücht gehört zum Team der Autoren, die die plattdeutsche Kolumne „Platt maakt“ schreiben.

1707 van London ut regeert wurren, worden de Nörders siet 1977 van Auerk ut regeert.

Up 't meeste speet 't de Nörders schients, dat se dat Kennteken NOR tegen dat

Kennteken AUR umbüten müssen. Daar kann hör Hinni Swieter ok nich bi helpen – AUR was nich NOR, un dat was miss. Un Hinni Swieter bleev ja ok nich up ewig Landraad.

Wat en Glück, dat de Nörders dat Kennteken NOR nu weer bruken düren. Siet 2012 hebben sük mennig Landkreisen in Düütskland daarto entschedt, olle Kenntekens van Landkreisen, de 't nich mehr geven deit, weertobeleven.

So giff dat nu weer lange vergeten Kenntekens as BRV (Bremervörde), EIN (Einbeck) of DUD (Duderstadt). Körtens weer ik in Urlaub an Mosel un Saar, un in Saarburg harren se vör ruugweg veertig Jahr datsülvige Elend as in Nörden: De Landkreis Saarburg

wurr mit de Landkreis Trier to de neje Landkreis Trier-Saarburg tosamgelegt.

Dat Kennteken SAB muss verschwinnen un dat Kennteken TR wieken. Man siet 2012 düren de Saarbursers SAB weer bruken. Man wenn een vandaag dör Saarburg löppt, sücht een blot of un to maal en Auto mit en SAB-Kennteken.

Heel anners in Nörden! Daar musst du al lange söken, bit du en Auto mit AUR-Kennteken finnen deist! Ik hebb dat nu nich empirisch unnersöcht, man ik kann mi vörstellen, dat de Leevede van de Nörders to hör Kennteken in Düütskland sünner Bispill is – so faken, as man hum up Autos in de Nörder Kuntrei sücht. Wat för de Schotten de Kilt, dat is för de Nörders dat NOR-Kennteken.

KOLUMNE

Moin, Moin
Schrievers
allerbest
Pläseer
Smüstern

Spraak
hoop
Vertellsel

Platt maakt

kreis Nörden bi de Landkreis Auerk – en harte Slag för de stolte Stadt un de Kuntrei umto.